

奏籌武備特科摺

臣奕訢等跪奏為遵 旨會議具奏仰祈 聖鑒事光緒二十三年十二月二十五日內閣奉 上諭榮
 奏請設武備特科參酌中外兵制造就人才等語著軍機大臣會同兵部議奏欽此光緒二十四年正月初六
 日內閣奉 上諭給事中高燾會奏請設武備特科一摺著軍機大臣會同兵部歸入榮祥奏請參酌中外兵
 制特設武備科片內一併議奏欽此欽遵先後將原奏二件抄出臣等伏查榮祥所奏請設武備特科分列格致諸
 學槍炮諸科以為之目舊制之武備會試姑仍其舊其應特科之人由武童層遞作為武舉武進士每次限以三
 年略取九年大成之意不必與舊科同歲舉行止須將原有中額之半撥入特科試之有效再將舊制全停自係
 為轉移風氣造就人才起見臣等伏維武科定制沿自有明從前火器尚未盛行即泰西各國亦迥不如今日之
 精我 朝龍興遼瀋八旗勁旅騎射絕人因而武科亦沿用馬步箭刀石各項技藝在當日原屬制勝之具今
 則製造槍炮考校準頭精益求精西人謂之藥彈世界孤矢誠不足以威天下習非所用與制藝取士流弊正同
 改絃更張自宜首議及此惟是變法之始貴乎耳目一新使天下曉然知 上意之所在無不踴躍奔赴始足
 以振作士氣鼓舞人才舉行之年限可稍遲而中額不宜分年應用之槍礮必畫一而流弊亦宜豫防當茲時勢
 多艱辦事務求核實無取鋪張亦不必有特科名目臣等謹按照原奏各條細心細釋擇其輕而易舉簡而可行
 者為我 皇上縷析陳之查武場改試槍礮係屬創舉武童初學必用教習多用則經費難籌且精於操練兼
 通西法者一時亦難數觀少則又苦不敷分布即使一省之中各就府廳直隸州酌為延聘而武童各安土著距
 所屬本府州縣遠者或至數百里平時院府兩試已苦跋涉之艱若令就地教練充役三年始准作武生誠恐資
 斧不繼閱時過久轉致半途而廢惟是 國家功令之設不過懸的以招至於儲材待售則視其人之自為但使
 明定章程通行各省立定年限自某科為始應馬步箭刀石不用所有武場一律改試槍礮其向應武試者決
 不至因此較業自必購求利器磨礪以須猶制科之詩賦策論八股屢易其體士人無不爭自濯磨所謂利祿之
 途使然初不煩官為督責而章程既定屆時武童應考仍由各該省學政按臨考試合格者照額取中武生則進
 取有資人思自奮矣取中武生之後人數較武童為少而且發軔伊始已有上進之階應請即如原奏所擬由地
 方官酌量設法每省籌立武備學堂一區擇武生之才識聰穎者或年力富強有志觀光自願入堂肄業者酌照
 省分大小核定人數按名挑入學習重學化學格致輿地諸學分馬步砲隊槍隊工程隊諸科派定總分教習督

同訓練其挑選教習之法如南北洋湖北等省先經設有武備學堂止須酌添教習員數他如直隸之新建陸軍
 江南之自強軍以及各省所練之洋鎗砲隊熟於以上諸法堪勝教習之任者自不乏人擬請無論官弁勇丁一
 體就近酌量派充其餘各省由該督撫籌定款項自行延聘學堂功課聽總教習按照人數勻撥教練官中派員
 認真稽查其未經挑入之武生仍令回籍自行學習鄉試屆期合一省之武生無論堂內堂外一律由該督撫用
 改試槍礮新章詳加考驗列入優等者照額取中武舉其內場賦寫武經原屬具文且易滋弊竇應請即行裁去
 新武舉咨送會試即將本屆新武生挑選換入學習嗣後按照科分挨次輪換風氣一開互相傳習挽蹶張者廢
 然思返不必仍留舊額之半亦不患應試之人矣各省既設武備學堂整齊畫一新中武舉人數衰然可觀京師
 首善之區自應設立武備大學堂以資眾材而光盛典惟是大學堂規模較之各省尤為繁重一切應訂章程應
 用器具亦非倉猝所能集事且各行省既經遍設學校如林其八旗順天武生或由該管地方官先行設立尋常
 學堂或就近往天津學堂學習均無不可京師大學堂之設似可稍緩各省武舉亦毋庸再限三年在京肄業擬
 請每屆武會試之年先期由各督撫將此項武舉咨送兵部由部奏請 欽派王大臣考試仍照鄉試之例以
 鎗礮中靶之數為斷擇其優者取中武進士名數與常年中額相同其 殿試兩場尚有應行畧為變通之處擬
 請先期由兵部奏明請 旨辦理至給事中高燾會所奏專為求將帥之材備教習之選先設京師武備學堂然
 後遍及各行省所陳五事除練身體習鎗礮二條外餘三條皆專門名家所難備責令武生武舉等輩等而進必
 至有名無實徒滋繁費餘與榮祥所奏大致畧同應請毋庸置議以上各節臣等悉心核議參酌中外擇善而從
 寓會制於科舉之中陰以兵法部勒之與泰西豫備兵留後兵之意相合各疆吏誠能認真舉行需以歲月有勇
 知方之士必有脫穎而出者即綠營練勇亦可收互相觀摩之益矣其未盡事宜及應駁緣由摺內未及詳叙者
 另列簡明章程十條開單恭呈 御覽仰 聖 國朝軍政自提鎮以下一切武職本以行伍為正途
 其武舉武進士原不過聊備一格道光以前姑不具論即如咸豐同治以來蕩平粵捻在事將帥滿洲如多隆阿
 塔齊布漢人如鮑超劉松山皆係行伍出身蔚為名將武科所得率多偏裨奔走之材斷不能與文場鄉會相提
 並論即歐美各國講求武備如英國德國之水陸軍大書院美國之委士盤大書院皆情願入伍之人始准入堂
 學習學成之後即令分隸各營充當士卒並無所謂武科也今欲建威銷萌折衝樽俎宜就各省營勇認真挑選
 厚其贍資嚴其功課腹心干城之寄在彼不在此至於武科改制臣等今日所議已得其大概宋臣蘇軾所設取

士之法不遇於此不得謂區區一科遂足盡天下之人材也所有臣等遵旨會議緣由謹恭摺具陳伏乞 皇上聖鑒再此摺係軍機大臣主稿會同兵部辦理協辦大學士兵部尚書榮祿因係原奏大臣應行迴避未經列銜合併聲明謹奏

撫軍牌示

諭嶽麓城南求忠三書院已經甄別核准等第各肄業生童知悉除送學日期另行牌示外茲本部院定於本月二十日開課合行示諭一體遵照勿違特示○諭本標左右兩營暨長沙協親軍前營新後營衛隊練軍各營挑練槍砲官弁知悉現屆春操之際本部院定期於閏三月二十三日按臨大校校閱考校槍砲合行牌示曉諭一體遵照執事員役照常伺候勿違特示○諭本標左右兩營暨長沙協官弁世職監兵丁知悉現屆春操之際茲本部院定期於閏三月二十三日按臨大校校閱三營合演大陣暨各項技藝次日赴內箭道接閱各官兵馬步箭合行牌示曉諭一體遵照執事員役照常伺候勿違特示○諭文武各官暨軍民人等知悉於閏三月十六日一體更換涼帽勿違特示

士紳劉頌等公懇示禁幼女纏足稟

具稟生監劉頌頌黃聖清歐陽坤熊崇附劉澤榮鄧丙權張銘壽盛炎鄒兆慶劉壽勳周贊易黃昌劉澤熙歐陽均稟為纏足禍烈風氣難開懇祈示禁以廣推行事竊以纏足者抗 朝令折肢體國家積弱之根世局敗壞之源古今之奇疾天下所共憤者也俚語云小脚一雙眼淚一缸小脚偏邑眼淚四溢然則中國已成淚海矣凡稍有知覺者宜皆悚然懼色然駭然改羣然和不崇朝而數百年之愚障如雲開霧豁無纖毫留滯也乃今仁人君子既創立不纏足會且大聲疾呼開其蒙惑從者雖夥半屬士人而愚婦愚夫仍然固執且以不適觀不入時諸謬說從中阻撓悲夫悲夫中國四萬萬人方保護之不暇而必執我四萬萬人之半束之縛之極之成廢疾之徒置無用之地以求其所謂適觀所謂入時為燕幕魚釜之樂而不知殊方異族正喜其自戕自賊自弱自斃待時而動如摧枯朽也嗚呼其亦不思而已夫今日之急務必成曰富家富國以新氣象強種繁種以固基本而不禁纏足終無起點之術何者天生一人即有一職業以令自養今二萬萬女子嗷然待哺重困男子生計艱窘家既如此國亦隨之古者先王之治天下也地無餘利民無餘力今蠶桑不興地利荒矣婦女失業民力情矣若使舒其趾距其足則執業之人可增一倍土產物宜亦增一倍各處稅務亦增一倍此利益之大何如也而棄

置不講宜其可畏仰屋計吏附庸既借洋款復借華款而終形支細無一富國之策也然此事猶小若強種繁種之說則實關人類之絕續尤可憂危之極矣西人強種之法必令婦人皆習體操而後其子膚革充盈筋力雄健今中國舉步艱蹇滯其血輪故婦人多產難生子多羸瘠致令舉國之人潛消暗蝕况加以貧夫難活其妻恒多不娶生聚失道不堪問矣墨子稱聖王之法丈夫年二十毋敢不處家女子年十五毋敢不事人今則民之婚配漠不關心故泰西人數日繁而我國絕不加增彼眾我寡強弱自判不早為之所恐中國日瘠貧夫愈多馴致無一能活其妻者黃種之式微不忍言其究竟矣可不哀哉生等蒿目時艱痛心疾首悲號嗷咽告訴無門欣逢大人熱誠洋溢仁政覃敷作一路之福星破萬民之癥結蓋天運循環無往不復中流砥柱非 大人其誰任之為此邀集同人不揣冒昧將纏足為禍最烈之處瑣瀆直陳籲懇 大人出示嚴禁並通飭府廳州縣曉諭鄉團互相痛戒以利國家而保種族深為德便上稟 黃公度廉訪批

據稟具悉纏足一事貽害無窮作俑千年流毒四域今以不纏足為富國強種根本所見尤大中華為文物之邦五行百產甲於全球乃徇耳目之觀聽即恣淫之汚俗士習時文女尚纏足久為外人所竊笑順治康熙間有疏請廢時文禁纏足者因積習已深舊染難滌然當 國家全盛時猶未見其害之烈也今強鄰環迫種類日弱利權日移利源愈細毀天然有用之肢體滅物產固有之利權舉凡線絲織布種茶植桑皆積衰遞弱每况愈下勢岌岌不可終日 朝廷既設設經濟特科歲舉不專以時文取士臥薪嘗膽以共圖富強則勸禁幼女纏足一事自應當務之急本署司游歷中外彈心世局曾與同人設立不纏足會編列會籍互通婚姻該生等蒿目時艱痛陳積弊稟請示禁以廣推行足以徵心所同然之理物窮必變之道准即撰示頒發並飭各府廳州縣一體張貼曉諭該生等務各交詔兄勉身力行並就其鄉人剴切勸導俾得家喻戶曉毋稍遲回觀望開一鄉一邑之風氣即能增千手千足之事故破匹夫匹婦之愚癡即以保四萬萬人之種族漢書有言仁人君子心力之為願與諸生等共勉之切切刊示即發稟附卷

文此近人增入之明證黃廉訪云各教大旨都說敬天愛人是此心此理相同非必彼教襲取孔教此即其當日創教宗旨之平心而論凡教能行乎數萬里數千年亦必持之有故言之成理雖與孔教道理不必盡合然不能謂其全無道理若全無道理何以能行之久且遠乎即如釋道二教在孔教視之亦為異端而不能謂其全無理天主教亦猶是也我輩但須講明孔教勿為所惑而已廉訪發明孔佛耶回之教明言佛說管天即說天子回說天使皆不如孔教說參天贊天為可信是以孔聖之言為純也○善化陳其殷問○講學言學派而云應尊某家應黜某家似有畛域之見畛域分則爭機伏矣所以後世學術日雜學子專尚黨同伐異刺刺不休未有能持中持平者竊以諸子百家即黃老亦自有理何莫非節取會通處若必言理學應崇某某家政學應崇某某家某某者偽也某某者真也毫分縷晰又何裨益故言學者必去畛域必知真偽只求有與聖教相會通者則會通之有與時勢相發明者則發明之此所謂經旨法意人情出乎一者也若守舊者以古人之心思耳目為心思耳目以古人之語言義理為語言義理言新者之於西人亦然不能折衷一是徒使入之好尚分歧學派終不能歸於一而得其正講學者能辭其咎乎○又問○近閱學會問答奉天祐請舍理學而言政學執事以為有輕薄理學諸公意援孔子講學無於於周之亡試問孔子專講理學乎○答曰凡學不當有畛域不可無家數古來學術各家門徑不同初學視之如入五都之市大有望洋之歎若不自審性之所近先從一家入手安知入手之處如寫字或學歐或學顏作文或學韓或學歐或學蘇先學一家方能成格特不可是己非人已學歐而詆人之學顏已學韓而詆人之學蘇耳學當去畛域不當和真偽即如理學有真理學若無真理學若無真理學將見真者反疑為偽偽者反信為真甚或舍其真者而專學其偽者豈不大謬故分別家數是初學人手法攷核真偽是擇善而從法此非黨同伐異會通聖教發明時事兩不相妨至言要用自己心思耳目不得專以古人與西人之心思耳目為心思耳目此言學成之後貴有心得獨出己見不宜拘守舊說若在初學入門守舊不學古人言新不學西人如寫字不臨帖作文不摹古文如何能行講學不講明學術門徑使人知入學下手之處竟在開通不在閉塞若必效李斯別黑白而定一尊扶起一邊壓倒一邊則更疑黨同伐異畛域不化矣以不能折衷為講學之咎講學者不任咎也奉天祐意在專學西人薄視孔孟程朱故辨其失非謂孔孟專言理學不言政學凡聽人語言看人文字當舉其全而深思其意之所在若摘其一二語而疑所不當疑則喪欲速貧死欲速朽疑非夫子之言程子言性中無孝弟陸子言六經皆我注脚皆可詆其言以為不知矣

湖南不纏足會嫁娶章程十條

瀏陽譚嗣同撰

- 第一條 本會所以立會之旨原為同會之人互通婚姻不致以不纏足之故為世俗所棄故會籍以姓分册男女載明年歲正以備同會擇婦相攸之用今依此意定為同會嫁娶章程
- 第二條 凡同會皆可互通婚姻除會外人亦係不纏足者仍通婚姻外餘不得與通婚姻
- 第三條 同會雖可互通婚姻然必須年輩相當兩家情願方可不得由任指一家以同會之故強人為婚
- 第四條 同會之人籍貫非一苟平素兩家相得而兩家中有力能遠就者即可為婚有志之士必能破除不肯遠嫁之俗見
- 第五條 訂婚之時以媒妁婚書為憑或略仿古禮奠鴈之意隨意備禮物數色無論家道如何豐富總以簡省為宜女家不得絲毫需索聘禮
- 第六條 女家置備嫁奩亦應簡省男家尤不得以嫁奩不厚遽存菲薄之意
- 第七條 婚姻之禮久矣廢絕古禮既不適於今能依大清通禮固亦可矣有時不能不從俗從宜總擇其簡便者用之
- 第八條 不纏足之女其衣飾仍可用時制惟著鞋襪與男裝同式此節凡同會皆宜一律不可獨為詭異致同會驚詫難與為婚
- 第九條 凡人莫不願其女之賢則女學萬不可不講已即無女亦莫不願其婦之賢則應出資隨地倡立女學塾塾之大小惟其力以助人之女為學安知非即助己之婦為學蓋必女學昌明而後婚姻之本正矣
- 第十條 以上章程但擇其易於遵行者臚列質實屏棄華藻務使人人皆解若重此而不能遵行又復入會何為故初入會時即當備量及此自無後悔也

右章程夫歲會見時務報中因湘省傳觀未備用再登布

朝事述聞錄國報○泰晤士報云朝鮮亂後其首相某歷舉古聖以勸進韓王且謂韓王氣概英武志趣深遠識見高明遠超近代地球萬國君主之上請議帝號韓王推讓再三勉如所請爰於去歲西十月三號即皇帝位適俄國新派參贊黎斯沛爾君已調升中國公使接前使臣甘雪尼伯爵之任計黎君充漢城參贊為日無多然辦事勇往俄國在韓之權勢凡有機會可乘即行之不遺餘力其所措置一惟前任擬定之規模是遵所聘俄

教授武員業經授有專職行將倚為心腹製造鎗炮廠亦委俄官綜理其事並于釜山對面之鹿島贈俄人空地一段以資屯煤查日本至韓亦先據該島為駐足之地日本自來與韓人構兵幾于無役不然者也總稅務司力佛勃即行解職據耶律散輔君函稱韓廷有遲疑未決之意力君方為償清日本借款二兆元即行辭退此宜政治家引為詭病也今游移不即發逆料其已將前項情節反覆審思矣○近得外部消息云朝鮮濟安浦將開為新埠以便于西商互市按濟安浦及平壤同為外人所探擇甲午之役華軍首次敗挫平壤實其戰場故其名盛播於泰西威律師君已游歷附近一帶地方報稱該處土地豐腴礦產饒富平壤一城居民約三萬五千為商務總匯之區然惟吃水稍淺之船始克溯流而上直達彼處若濟安浦距江北過平壤注東海灣下游四十英里船由海道駛入無論潮水漲落均可暢行無礙且利灣泊中日戰時日人築一鐵道聯絡二處于濟安浦登岸軍實輜重悉屯聚於此陸續以火車運往平壤再由平壤分派各處所可怪者韓海關向曾于濟安浦購地一片此為寶星赫德所經營以韓當日為中國藩屬也今此款仍歸中國贖墊華人好義洵不可及要之此等不合理事亦惟東方有之耳

西人議論中國報館事錄聞報○地球報云近來中國通達時務之士知一國之人必須通曉上下之事中外之情而後方可以力圖富強反是將不國也故於京師天津上海香港等處創設報館撰述之外加譯洋報其法甚善見各報館生意頗不冷淡銷報定必不少閱報之人想皆爭先恐後也如此行之諒不數年間中國沿海各省報館將林立矣回憶曩日歐洲於十七世紀時亦未嘗不如是也噫天地循環之理吾人豈可不再三置意而目為明日黃花漫然視之哉

商船學生錄聞報朝日報云日本大阪商船學堂機器學生二十名駕駛學生十五人均於二月下旬卒業學科飭令機器學生赴吳海軍造廠大阪鐵工所及川崎造船所駕駛學生乘日本郵船公司輪船及大阪商船公司輪均就實地講究期二年卒業

德人又索地錄漢報○九州日日報云德國政府前日請中國政府假膠州灣其區域約百方里茲復嫌區域稍隘擬再請中國展寬區域

界務待商錄廣州新聞報○中英兩國委員互勘滇緬邊疆其在緬甸一邊者尙易就緒惟勘至滇省南界忽然中止緣兩國所訂之約內有一語似有兩歧之處頗費商量因此不能確為遵守須稟候兩國批示也

南學會告白○現在各種中西書籍均已購備齊全有來閱書者請至本會領取憑單如因終日閱書需購飲食者可由本會齋夫備飯每餐酌送飯費

印送不纏足歌

凡欲閱者請至南正街俞宅領取

濟世良醫

湘鄉吳君自號息機道人少時博通經史旁及雜門而於岐黃之術尤好講求嗣因服官西域十有三年雖非以醫成名而全活甚眾上年丁艱回籍家固小康乃以息機明志不復出山矣或勸曰君固有用才而兼通醫理縱不為良相以濟世曷不為良醫以救人吳君笑曰但恐人以醫士目之故不為也日昨來省訪友遇求方者罔不手到病除旬日間幾如山陰道上應接不暇於是我輩勸其留省以廣仁術吳君勉從之謂吾即以是術終亦息機之一訣也現寓湘鄉昭忠祠凡求治者認門首息機道人吳寓為記此啓

黃 齋 張通煥 楊讓梨 易鴻圖 曾宗壽 公啟

廣豐森綢緞洋貨布莊

開設長沙大西門專辦綢緞大呢洋貨彩標加樂緞青棉夏布疋俱全

春秋董氏學

股票從廉發售

孔子改制致

南正街維新書局白

奏辦湖北蠶桑綢緞駐湖督銷轉運局
湖北 兩院奏設蠶桑總局招徒雇匠開機織綢業經五年早著成效近因出貨日多特派委員分運來湘督銷俾開風氣而廣利源局設八角亭經綸緞號內准於閏三月十五日開局凡有 商士來局揀買各項綢緞本局照碼批發價值一律特此佈知 光緒二十四年閏三月本局委員沈克誠啟

時務報告白
本館設在上海專采訪內地緊要時事選譯西報交涉行情章程體例均做英太晤士報今准於閏三月上旬出報每紙售錢十二文願購閱者請至本館取閱可也此啟

閏三月十五日日用各物時價表

物名	每	實	比較	物名	每	實	比較
銀	兩	四十七文	銀圓	圓	七錢五分	湘平	九百二十二文
錫	斤	七錢四分三厘	典錢	每串十足	七錢九分七厘		
上白米	石	一千三百四十七文	次白米	石	一千五百十二文		
中米	石	一千七百七十五文	河東谷	石	一千二百四十四文		
河西谷	石	一千七百三十五文	淮鹽	百斤	四十二百文		
洋麵	包	二兩九錢五分	菜油	百斤	五十六文		
茶油	百斤	七兩一錢	桐油	百斤	六兩		
牛油	一桶	一兩七錢八分	粟木炭	百斤	九百五十文		
歡喜炭	百斤	一百二十文	上棉花	百斤	十六兩八錢		
中棉花	百斤	六兩五錢	下棉花	百斤	十五兩六錢		
頭印折表	石一百四十四方	三兩九錢	二印折表	同前	三兩五錢		
三印折表	同前	三兩三錢	吳庄紙	石	三兩八錢		
塊煤	石	三百六十文	烟煤	石	三百一十文		
柴煤	石	二百四十文					

讀新會梁氏論幼學書後

長沙鄭葵撰

西人謂萬物皆若于阿屯所成阿屯者其小無內之稱也格致家用顯微鏡察視萬物能以一分顯為三十萬分猶未得視其物之阿屯則阿屯之小可知矣又能將阿屯一分寸分為五千萬分而阿屯之大小得焉由此觀之萬物之數由埃而京而兆而億而千而百而十而一之至極阿屯其起點也萬物之實由忽而微而纖而沙而塵而埃而渺而漠而密而之至極阿屯其起點也物物如此事如此學何不然夫擁鑿窺而入江海挾僑僑而走泰岱其躡仆氣竭不待智者而知也今之所為學究者其高視弟子如是其戕賊弟子如是無他制藝可以獵科名詞章可以博青紫故不得不以大學中庸為童習以破承起講為文法也悲夫人生數十寒暑其性根柢源全在此七八齡間引之則愈長導之則愈通耳過此以往萬物馳騁五情爽惑雖刻志向學若涉大川渺無津涯若履窳堂茫無門徑學記所謂過時後學勤苦難成三復斯言宜密勿朝氣之不暇而顧室之塞之挫之折之無惑乎震且四萬萬眾若存若亡若蠢若盲而使頂吾同圓趾吾同方者侮我為黑蠻鄙我為洪荒也悲夫今吾湘學堂與矣書院改矣所謂開民智育人才者仍不能出乎一省會之中一學堂之外區區百數十人無論其皆窳否也即令三年有成出異材諸國用試問天下之大人民之眾時事之棘大局之蹙即此區區百數十人遂謂其可以保種乎遂謂其可以保教乎宜飭令各州縣酌改書院以爲小學堂宜擴充添置圖器令各鄉紳耆舉其子弟之八歲至十歲而聰強者入學學分二等一爲上學一爲下學各以教習領之監院師之初入下學一年可通進一等入上學一如梁氏課程其有學識明暢年在十歲以下者准其徑入上學二年畢業由教習考取送入時務學堂則明珠加璧磨之功荆璞發采綯之美而人無廢學國有真才矣或有難之曰繩樞甕牖之子應顏矩步之儒方將咀嚼八家呻吟四韻耳不聞割地削藩之耻目不觀圖書儀器之精守舊業若膏肓疾新學如冰炭比比然矣是烏可以爲師範者曰是不難訓蒙之法先求淺易無取精深宜令每州縣速選諸生之和平通達者數人先入時務學堂講習半年分其等第給以文憑派爲本籍小學堂教習而爲教習者務宜加其愛力消其阻力助其能力以摩其熱力老氏不云乎合抱之木生於毫末九層之臺起於累土千里之行始於足下小學堂之設誠能一縣行之一府行之一省行之士有學農有學工有學商有學醫有學兵有學女有學愚者智之塞者通之獨者羣之弱者強之使我中國四萬萬之眾二萬里之地四千年之神胄復見太平之治大同之樂者即以吾湘爲阿屯之起點可也因走筆補書以揭梁氏之志云